

0.0.1 chaṭṭhakammasuttaṃ

1. cattārimāni bhikkhave kammāni mayā sayamaṃ abhiññā sacchikatvā pāveditāni. katamāni cattāri?

2. atthi bhikkhave kammaṃ kaṇhaṃ kaṇhaviṇṇaṃ. atthi bhikkhave kammaṃ sukkaṃ sukkaviṇṇaṃ. atthi bhikkhave kammaṃ kaṇhasukkaṃ kaṇhasukkaviṇṇaṃ. atthi bhikkhave kammaṃ akaṇhaṃ asukkaṃ akaṇhasukkaviṇṇaṃ kammakkhayāya saṃvattati.

3. katamañca bhikkhave kammaṃ kaṇhaṃ kaṇhaviṇṇaṃ? idha bhikkhave ekacco sabyāpajjhaṃ kāya-saṅkhāraṃ abhisāṅkhāroti, sabyāpajjhaṃ vacīsaṅkhāraṃ abhisāṅkhāroti, sabyāpajjhaṃ manosaṅkhāraṃ abhisāṅkhāroti. so sabyāpajjhaṃ kāya-saṅkhāraṃ abhisāṅkhāritvā sabyāpajjhaṃ vacīsaṅkhāraṃ abhisāṅkhāritvā sabyāpajjhaṃ manosaṅkhāraṃ abhisāṅkhāritvā sabyāpajjhaṃ lokaṃ upapajjati. tamenāṃ sabyāpajjhaṃ lokaṃ upapannaṃ samānaṃ sabyāpajjhā phassā phussanti. so sabyāpajjhehi phassehi phutṭho samāno sabyāpajjhaṃ vedanaṃ vediyati ekantaḍḍhakaṃ. seyyathāpi sattā nerayikā. idaṃ vuccati bhikkhave kammaṃ kaṇhaṃ kaṇhaviṇṇaṃ.

4. katamañca bhikkhave kammaṃ sukkaṃ sukkaviṇṇaṃ? idha bhikkhave ekacco abyāpajjhaṃ kāya-saṅkhāraṃ abhisāṅkhāroti, abyāpajjhaṃ vacīsaṅkhāraṃ abhisāṅkhāroti, abyāpajjhaṃ manosaṅkhāraṃ abhisāṅkhāroti. so abyāpajjhaṃ kāya-saṅkhāraṃ abhisāṅkhā-

ritvā abyāpajjhaṃ vacīsaṅkhāraṃ abhisāṅkhāritvā abyāpajjhaṃ manosāṅkhāraṃ abhisāṅkhāritvā abyāpajjhaṃ lokaṃ upapajjati. tamenāṃ abyāpajjhaṃ lokaṃ upa-pannaṃ samānaṃ abyāpajjhā phassā phusanti. so abyāpajjhehi phassehi phuṭṭho samāno abyāpajjhaṃ vedanaṃ vediyati ekantasukhaṃ. seyyathāpi devā subha-kiṇhā. idaṃ vuccati bhikkhave kammaṃ sukkaṃ suk-kavipākaṃ.

5. katamañca bhikkhave kammaṃ kaṇhasukkaṃ kaṇhasukkavipākaṃ? idha bhikkhave ekacco sabyāpajjhampi abyāpajjhampi kāyasaṅkhāraṃ abhisāṅkhāroti, sabyāpajjhampi abyāpajjhampi vacīsaṅkhāraṃ abhisāṅkhāroti, sabyāpajjhampi abyāpajjhampi manosāṅkhāraṃ abhisāṅkhāroti. so sabyāpajjhampi abyāpajjhampi kāyasaṅkhāraṃ abhisāṅkhāritvā sabyāpajjhampi abyāpajjhampi vacīsaṅkhāraṃ abhisāṅkhāritvā sabyāpajjhampi abyāpajjhampi manosāṅkhāraṃ abhisāṅkhāritvā sabyāpajjhampi abyāpajjhampi lokaṃ upapajjati. tamenāṃ sabyāpajjhampi abyāpajjhampi lokaṃ upa-pannaṃ samānaṃ sabyāpajjhāpi abyāpajjhāpi phassā phusanti. so sabyāpajjhehipi abyāpajjhehipi phassehi phuṭṭho samāno sabyāpajjhampi abyāpajjhampi vedanaṃ vediyati vokiṇṇasukhadukkaṃ. seyyathāpi manussā ekacce ca devā ekacce ca vinipātikā. idaṃ vuccati bhikkhave kammaṃ kaṇhasukkaṃ kaṇhasukkavipākaṃ.

6. katamañca bhikkhave kammaṃ akaṇhaṃ asukkaṃ akaṇhaasukkavipākaṃ kammakkhayāya saṃvattati? sam-

mādiṭṭhi, sammāsaṅkappo, sammāvācā, sammākammanto, sammāājīvo, sammāvāyāmo, sammāsati, sammāsamādhī. idaṃ vuccati bhikkhave kammaṃ akaṇhaṃ asukkaṃ akaṇhaasukkavipākaṃ kammakkhayāya saṃvattati.

7. imāni kho bhikkhave cattāri kammāni mayā sayamaṃ abhiññā sacchikatvā paveditānīti.